

乾隆杭州府志

杭州府志卷五十六

祥異下

元世祖至元二十三年杭州大火

萬歷舊志

六月杭州路水壞田萬七千二百頃

元史五行志

按錢唐縣志載在二十四年

二十五年正月杭州大火

舊志

三月浙西大水杭州壞田稼

續文獻通考

冬十月丙子夜杭州地震

萬歷舊志

十一月庚寅地震始如暴風駕海潮之聲自西南來雞犬

皆鳴窻戶磔磔撼動瓦屋俱搖

癸辛雜志

二十八年春二月杭州饑發粟賑臨安餘杭於潛昌化新

城等縣饑民

萬歷舊志

二十九年六月兩浙水

宋元通鑑

成宗元貞二年夏四月杭州火燔七百七十家奉詔賑恤

元史五行志下同

十二月海寧縣水

成宗大德元年海塘崩

舊志

二年杭州水

錢唐縣志

三年秋七月杭州饑

萬歷舊志

冬十一月己亥杭州火

宋元通鑑

是歲鹽官州海塘崩

元史五行志

五年七月浙西積雨汎濫大傷民田

宋元通鑑

六年六月杭州饑

元史五行志

七年七月兩浙大饑

宋元通鑑

八年五月杭州火燔四百家

元史五行志

秋八月杭州火

萬歷舊志下同

十一年杭州大饑官設粥仙靈寺中

秋九月杭州饑詔以酒糜米麥二千八百石賑恤

元史五行志

冬十月杭州水

萬歷舊志

武宗至大元年冬十一月杭州饑

元史五行志

四年水

錢唐縣志

仁宗延祐元年杭州水

元史五行志下並同

鹽官州海溢汎失度累壞民居陷三十餘里

英宗至治二年九月臨安縣饑

冬十二月杭州火

泰定帝泰定元年八月杭州饑

浙江通志

冬十二月杭州鹽官州海水大溢壞堤塹侵城郭

元史五行志

二年四月杭州饑

浙江通志

杭州路火

錢唐縣志

三年八月杭州火燔四百七十餘家

元史五行志

秋鹽官州大風海溢壞隄廣三十餘里袤二十里徙民吊

以避之

浙江通志

四年春二月風潮大作衝捍海塘壞州郭四里

元史河渠志

四月湖水浸鹽官地十九里

元史五行志

十二月杭州火燔六百七十餘家

續文獻通考

泰定帝致和元年三月鹽官州海堤崩遣使禱祀造浮圖

二百十六用西僧法壓之

元史五行志下並同

四月鹽官州海溢發軍民塞之置石固二十九里

文宗天歷元年秋八月杭州大水沒民田

二年四月浙西饑

浙江通志

八月浙西旱

元史五行志下同

文宗至順元年二月杭州火

閏七月杭州水沒民田數千頃詔許入粟補官及勸富民

出粟賑之

高麗舊志

八月杭州火冬十月杭州又火皆賑恤

元史五行志下同

二年杭州大火被災者戶給鈔二錠死者加之人給月米

二斗幼稚半之

正月十四日黎明雷震白塔

西湖遊覽志

三月浙西水

宋元通鑑下同

八月水壞民田

順帝元統元年春三月杭州水災疾疫

萬歷舊志

自春至于八月不雨民大饑

元史順帝本紀

六月甲申杭州火

元史五行志

二年浙西水旱疾疫饑民至五十七萬戶

宋元通鑑

順帝至元二年浙江旱自春不雨至于八月民大饑

浙江通志

三年杭州饑

元史五行志下同

順帝至正元年夏四月乙未杭州火燔官舍民居寺觀一

萬五千七百七十餘間死者七十四人

二年夏四月一日杭州大災燬民廬舍四萬有奇

武林野史記下

同

三年夏五月杭州火

四年彭和尚陷杭州未幾克復

舊志

七年八月壬午杭州浦中午潮退而復至

元史五行志

八年有豕異施鹽商家化豕自食其子能言

錢唐縣志

五月乙卯錢塘江湖較八月更高數丈沿江民皆遷居避

之

浙江通志

十二年江湖不波

萬歷舊志

九月錢唐盧子明家一鵝伏九雛內一雛三足二足在前

一足在後

錢唐縣志

十三年春三月壬辰杭州黑氣亘天雷電而雨有物若果

核與雨雜下五色間錯破食其仁如松子相傳爲婆娑樹

子是年九月紅巾入城雨核之地悉遭兵火

輟耕錄

按萬歷志引輟耕錄載在至正元年浙江通志引續文獻通考載在十三年據續綱目書劉福通起兵以紅巾爲至正十一年應以通志爲是因輟耕錄所載較詳仍號在舊錄置于此

十四年杭州大霖雨凡八十餘日大饑

草木子

十七年正月己丑杭州降黑雨河池水皆黑

元史五行志

杭城病疫

西湖志餘

二十年二月浙西震霆掣電雪大如掌頃刻積尺餘

續文獻通

考

三月有異雲見光映西湖

錢唐縣志

錢塘江潮不至

浙江通志

明太祖洪武二年吳山三茅觀雷擊一白蜈蚣長尺許

廣可二寸身有真書秦白起三字

霏雪錄

五年七月餘杭縣山水暴湧漂流廬舍及人畜

舊志

八月乙酉餘杭縣大風山谷水湧沒流廬舍及人畜甚衆

浙江通志

七年夏六月杭州旱官禱于錢塘門外黃龍祠三日而雨

仁和縣志

八年十二月杭州水

明史五行志

九年六月壬辰錢塘仁和餘杭三縣水下田被浸者九十

五頃

浙江通志

十年錢塘仁和餘杭三縣水

錢塘縣志下同

秋七月海潮啣岸

三十年夏六月杭州旱

成化舊志

成祖永樂元年八月癸亥浙江潮決江塘萬四百餘步壞

田四十餘頃湯鎮方家塘江堤爲風浪衝激淪于江者四

百餘步溺民居及田四十頃

浙江通志

二年冬十一月杭州大水

仁和縣志

三年八月杭州屬縣多水滄男婦四百餘人

明史五行志下同

四年浙江饑

五年六月庚戌杭州沿江江隄淪于江

成化舊志

六年海寧海決

舊海寧縣志

九年七月辛未浙江潮溢衝決仁和縣黃濠塘岸三百餘

丈孫家園塘岸二十餘里

浙江通志下同

海寧縣風潮溺民塌城垣

十一年五月杭州大風潮仁和十九二十兩都沒于海平

地水高數丈田廬殆盡溺者無算

舊志

十二年冬十二月杭州水災

仁和縣志

十三年浙江旱

明史五行志下同

十八年夏秋仁和海寧潮湧隄淪入海者千五百餘丈

宣宗宣德三年浙江自四月不雨至六月乃雨杭州大水

淹沒禾稼

仁和縣志

十一月臨安縣饑杭州府奏借預備倉米一千三百六十

石賑濟

臨安縣志

四年冬十一月杭州府臨安於潛二縣歲荒民饑共備官

倉米一千五百九十石賑濟

於潛縣志

冬十月杭州饑

仁和縣志

七年六月昌化縣大水

昌化縣志

英宗正統二年錢塘縣民家婦一產三男

浙江通志

秋八月海寧海溢

舊志

三年錢塘等縣自五月以後彌旬不雨田禾槁死

浙江通志

五年塞海寧蠓嚴決隄口

舊海寧縣志

冬十月杭州饑

錢塘縣志

六年浙江春夏並旱

明史五行志

七月巡視浙江刑部郎中劉廣衡發粟賑九縣饑民

昌化縣志

七年浙江大旱

明史五行志

十一月錢塘民程澗妻鄭氏一乳三子

錢塘縣志

八年浙江地生白毛

明史五行志

九年六月浙西大水

明實錄

十一年六月浙江大雨水

明史五行志

十二年春三月杭州災傷

錢塘縣志

十三年旱

西湖志

十四年六月浙江地動白毛遍生

綱目續編

景帝景泰四年昌化縣旱

昌化縣志

冬十一月至明年孟春浙江大雪數尺

明史五行志

五年正月杭州大雪十餘日鳥雀盡

浙江通志

杭州大雪傷苗六旬不止

明史五行志

夏五月無麥禾

仁和縣志下同

秋七月杭州蝗害稼

九月杭州旱

武林紀事

六年海寧衛自三月不雨至于六月

明實錄

春浙江饑

明史五行志下同

七年浙江旱

冬西湖水竭

浙江通志

按舊錢塘縣志冬十月湖水竭未幾少保于謙遇害史載忠肅被害在景泰七年錢塘志誤作正統七年今改正

秋貓兒橋河水五色旬日方解

七修類稿

按西湖志作正統丙子考正統無丙子附見于此

英宗天順元年夏杭州旱

明史五行志下並同

七月杭州蝗

三年浙江旱

四年杭州四五月陰雨連綿江河泛溢麥禾俱傷

浙江通志

五年七月浙江大水

明史五行志

憲宗成化元年七月浙江府州縣久雨稻苗腐爛歲饑

浙江通志

志通

七年秋七月杭州府大風雨江海湧溢

仁和縣志下同

八月江潮水溢衝擊塘岸

閏九月杭州海溢渰田宅人畜無算

明史五行志

十年海寧縣海決至城下

海塘通志

夏四月郡城大火望仙橋河東蔣氏火延鎮海樓伍公廟海會寺東岳行宮玉樞雷院下逮宗陽宮南至侍郎府北至鎮守府東至巡鹽察院西至布政司周環六七里民居

三千餘家

武林紀事

十二年八月浙江風潮大水

明史五行志

十三年二月海寧潮水橫溢衝圯隄塘逼盪城邑

張寧重築障海

塘記

十一月辛未冬至杭州大雷雨虹見

續文獻通考下同

十四年八月吳越間淫雨不止各處出蛟將出時山中先有火燒地草木披靡分兩邊中成一徑以出至入水如驢形不見足浮游江中而去

十六年春三月有五色鳥翔錢塘學宮

錢塘縣志

十七年昌化縣竹生花踰年結寔如麥

浙江通志

二十年秋八月訛言黑胥入城

舊志

孝宗宏治元年浙江饑

明史五行志

三年五月仁和縣槎渡村有瑞麥

浙江通志下同

六月杭州大雨龍井鳳凰兩山水暴漲淹田禾

按仁和錢塘縣志皆載在宏治四年今從浙江通志及

舊志編入

有虎逸入蹲三茅觀

舊志下同

冬十二月杭州水

四年八月浙江水

明史五行志

昌化縣大水

昌化縣志

五年二月杭州府以旱災免徵

錢塘縣志

夏秋浙江水

明史五行志

海寧海溢

海塘通志

六年四月昌化縣大風拔木火光燒山少頃驟雨如注

舊志

十年秋九月地震

武林紀事

十三年靈隱山山水橫發

西湖遊覽志

十六年秋杭州府大旱

武林紀事

浙江饑

明史五行志

十七年昌化縣大饑

昌化縣志

十八年七月杭州驟雨山水大湧漂屋人多死者

浙江通志

九月癸巳杭州府地震有聲餘杭臨安於潛昌化同日震

武林紀事

武宗正德二年昌化縣大水

昌化縣志

三年夏五月餘杭大雨水

舊志下同

六月雨紅水于錢塘都御史錢鉞家

按舊錢塘縣志載在宏治四年誤

四年十二月壬寅杭州大雨雷電越二日復作

明史五行志

按錢塘縣志載在三年誤

六年正月杭州大雨電地震自後頻震

浙江通志

七年春三月杭州地震有聲自西北迄東南翌日地生白

毛長二尺許

武林紀事

夏五月杭州地震有聲

舊志下同

秋七月杭州地震

八月又震

錢塘縣志

八年十月癸巳杭州雨黑水

明史五行志

九年浙西自冬徂春雨雹爲災蠶麥不利

明實錄

十年十一月杭州大水

浙江通志

十二年秋八月昌化縣蠱害稼

昌化縣志

八月杭州地震

舊志

十四年正月杭州屋瓦冰結皆成花朵如是者數日

浙江通志

八月杭州大饑

仁和縣志

十五年秋八月癸未仁和縣小林地方周一二十里下米

電大者如斗小者如椀壞田禾樹木

武林紀事

鮑相善吐納以占術顯壽百二十有一

舊志

十六年秋八月不雨至十二月

錢塘縣志

世宗嘉靖元年春杭州旱

仁和縣志

三月杭州大水

武林紀事

保俶塔燬

西湖夢尋

二年四月杭州旱

明實錄

七月杭州大風潮

浙江通志

八月初三日大風湧海水衝去太平門外沙場廬舍百餘

家

武林紀事

秋杭州大霖雨

明實錄

三年春一月大饑斗米千錢

舊錢塘縣志

昌化縣虫害稼

昌化縣志

四年秋九月杭州蠱害稼

武林紀事

十月晦杭州大雷電雨

仁和縣志

六年天目山崩

舊志

七年四月餘杭縣旱忽然大風雷雨雹大者如椀小者如

雞子較雨點更密人民驚走牛馬奔逸

浙江通志

杭州民家有豕肉膜間生字

明史五行志

八年五月杭州雨黑水衣服汚染

七修類稿

九年海決逼海寧城

舊志

蝗入昌化境不害稼

昌化縣志

十年秋七月大雨水

錢塘縣志

十二年六和塔火

西湖志

十四年杭州自春及秋恒雨

舊志

十六年浙江水災

明史五行志

十七年八月昌化縣竹生穗結寔如小麥民採食之

昌化縣志

十八年杭州自三月不雨至于六月井泉皆竭

浙江通志

冬十月有流殍集錢塘江

舊志

十九年夏昌化縣東陂池產瑞蓮紅白二色重花並蒂不

種而生

昌化縣志

二十年昌化縣竹葉苞絡成穗和怡爲餅餌最佳其地遂

得豐熟

浙江通志

二十二年饑

錢塘縣志

二十三年大旱

舊志

杭州大無麥禾米價踴貴富者亦食半菽

浙江通志

二十四年浙江旱

明史五行志

杭州大饑民多殍

錢塘縣志

秋七月丁卯杭州大雨雹

仁和縣志

二十五年夏六月杭州有蝗蔽天自西北來凡二日田禾

草木皆盡

武林紀事

秋九月杭州屬縣多虎患餘杭尤甚

七修類稿

三十一年夏六月杭州管局通判廳火時海寇初起軍中

需火藥甚急諸匠人碾急火起焚死甚衆

舊志

三十五年九月戊辰杭州大火延燒數千家

明史五行志

按仁和縣志載是月十三日未刻火起熙春橋俄遍四方東南逾數里越城飛火至永昌壩達旦始熄燬徹廬舍萬餘間清軍察院鎮海樓及焉與舊志同惟通志作三十四年七月今從明史

三十七年秋八月旗纛廟火自管局厠火後移此碾藥復

火

仁和縣志

四十年四五月大雨水苗種淹沒

舊志下同

秋七月至冬十月杭州大水無年

四十一年三月十二日有黃白二龍合股由太湖而來後一青龍隨之自陡門至硤石東南入海傷屋宇千數隨雨

雹

浙江通志

穆宗隆慶元年水

錢塘縣志

海寧章劒壽百有一歲先是其母亦年九十九

舊志下同

二年春正月元旦德勝壩火延燒民居一千餘家座船四

十餘隻

浙江大旱

明史五行志下同

三年閏六月浙江大水

大風折保俶塔頂

西湖夢尋

五年三月杭州栗樹生桃

續文獻通考

九月西溪栗樹又生林檎三枚

錢塘縣志

六年四月杭州黑霧有物蜿蜒如車輪目光如電水雹隨

之

明史五行志

神宗萬歷二年二月丙辰驟熱雷雹

舊志

三年五月颶風大作海嘯漂溺民居塘圯鹹水湧入內河

舊海寧縣志

六月初一夜杭州怪風震濤決錢塘江岸數十丈漂官民

船千餘艘

浙江通志

按錢塘縣志載在隆慶三年明史五行志萬歷三年六

月海湧數丈沒戰船廬舍人畜不計其數與浙江通志

年月同

秋七月江無潮

舊志

冬十月郡城菜市橋東火人從橋上憑欄以觀人駭石崩

溺水中者無算競爲祟厲昏黑不見日仁和縣梁鵬爲文

祭之始絕

仁和縣志

五年秋郡城小營巷火延東里義和如松三里

舊志

按舊錢塘縣志載在萬歷七年七月今從浙江通志編

入

冬十二月二十八日申刻大雷雨

舊志下並同

六年正月大雨雪

二月至三月恒雨

四月江湖復至自三年七月以後每日止暗長水

按舊錢塘縣志載在隆慶間誤

六月浙江金門衛後所千戶金璫家卧房平地湧血如沸

高三尺許天明凝凍成塊事聞下禮部議修

李樂見聞雜記

七年浙江大水

明史五行志

八年五月大雨水西湖水湧進湧金門船至三橋

舊錢塘縣志

秋昌化縣蠱食稼無年

昌化縣志下同

十一年夏昌化縣麥一莖雙穗

夏六月不雨

喻均天澤廟記

十三年臨安縣大稔米價每石三錢

臨安縣志

昌化縣產白兔

昌化縣志下同

十四年春昌化縣大水

夏五月海寧大水

舊志

十五年五月杭州府江湖泛濫平地水深丈餘七月終興

風大作環數百里一望成湖

明史五行志

昌化縣大水各鄉出蛟山崩裂近山田漲爲沙礫壞屋廬

無算

昌化縣志

臨安縣水

臨安縣志

秋七月海寧潮溢

舊志

十六年春大雨水蠶麥禾俱無收

舊錢塘縣志

五月旱疫

明史五行志

秋大饑

昌化縣志

十七年浙西饑

仁和縣志

五月六月大旱瘟疫

舊錢塘縣志下同

六月火起于木登雲橋馬通政家門首銀杏樹上烟起江

干化仙橋木堆火起

六月浙江海沸杭屬縣廨宇多圯碎官民船及戰舸壓溺

者二百餘人

明史五行志下同

七月己未杭州地震

七月初九日大風雨拔木吹倒斜橋天水橋共六座牌坊

四座

錢塘縣志

八月海寧縣地震

浙江通志

十八年秋昌化縣旱高田無收

昌化縣志下同

昌化縣疫癘間作

二十二年浙西饑

仁和县志

夏五月海濱及于隄

舊志

五月錢塘縣有瑞麥

浙江通志

臨安縣泮池開瑞蓮

臨安縣志下同

臨安縣觀音寺生瑞芝

二十三年七月大方伯里沈家母狗產一小兒卽時打斃

舊錢塘

縣志

海寧城外沙七八里忽沒海水直叩塘址以長竿測之不得其底衆懼將徙城避之無何大風雨至衆潰縣令亦挾印走旣息城無恙令率衆歸未幾塘外沙露尺許久之復

舊

舊海寧縣志

大雪

昌化縣志

二十四年杭州府自五月不雨至七月

續文獻通考下同

八月大雨如注狂風交作經數日夜不息山洪暴發廬舍

傾圮圩岸崩頽郊原皆成巨浸

杭州霖雨傷苗

明史五行志

秋海寧大水

舊志

冬大雪平地積四尺餘至三月方消

臨安縣志

二十五年二月二十一日北關門外糧船火起延燒湖墅

四千餘家

舊錢塘縣志

七月二十三日有烏鴉銜綿絮到處放火燒房屋四百餘

間

錢塘縣志

二十六年臨安縣大旱發常平倉賑之

臨安縣志

二十九年六月辛丑寒氣逼人富陽山中飛雪成堆杭州

深山中亦然至七月始熱八九月仍熱如故人多裸浴里
無不病之家家無不病之人

李樂見
聞雜記

三十年五月杭州大雨龍井山水頃刻高四尺

浙江
通志

臨安縣大水

臨安
縣志

昌化禮生章材年百歲妻許氏九十有八

舊志下
並同

三十二年海寧臨安二縣地震

三十三年夏六月旱

錢塘江沙上有海鯁百條重數百觔民取肉熬油

舊錢塘
縣志

三十五年昌化縣箭竹開花結寔如麥合邑賴之以濟饑

饑

昌化
縣志

夏六月大雨水

舊錢塘縣志下同

三十六年四月至五月大雨水江湖水皆入城一月始退水災莫甚于此

大饑

仁和縣志

十一月賑濟浙江杭州府水災

明實錄

袁文玉年百有一歲

舊志

三十七年杭州八月初七日至初十日驟雨晝夜不止湖

南諸隄皆決

浙江通志

秋臨安縣大水

臨安縣志下並同

三十八年臨安縣泮池瑞蓮二海鳥至蓮一本數莖鳥黑

色大如車輪

秋臨安縣大稔

三十九年秋七月海寧米踴貴坊市閉糴幾致亂

舊志

四十二年浙江霪雨爲災

明史五行志下同

浙江大水

四月錢塘賣魚橋草營巷民家生兒一頭兩面雙耳四足

男女形皆具或曰此未判孿子也

錢塘縣志

四十三年浙江饑

明史五行志

西湖有龍魅幻作青旆懸酒家狀迷者投肆沽酒寔湖也
竟溺死旣作龍王堂鎮之魅忽飛起掣寶似塔頂碎接待

寺佛閣而遁

錢塘縣志

四十四年清明後六日杭州下雪珠濺入逐窗甚巨鵲首

頃刻可掬

舊縣志

四十六年錢祥年百歲

舊志

熹宗天啟元年二月杭州桃樹一花中結寔爲桃李

浙江通志

虎入城

錢塘縣志

三月初五日杭州大火風烈延一十餘里次晚方熄七月

戊子復災城內外延燬萬餘家

明史五行志

按浙江通志引舊府志載在六月今從正史

七月二十三日烈風驟雨海嘯沿江廬舍漂沒俱盡

舊志

二年二月癸酉海寧地震

明史五行志

三年十二月二十二日杭州地大震

浙江通志

海寧東鄉民家生犍二尾八足怪而斃之

舊志

四年饑

錢塘縣志

五年臨安縣大旱

臨安縣志

莊烈帝崇正元年七月壬午杭州府海嘯壞民居數萬餘

間溺數萬人

明史五行志

秋海溢衝海寧平野二十餘里人畜廬舍漂溺無算

舊志

大風壞屋傾鎮海樓圯石坊一十七座

錢塘縣志

五年自八月不雨至十月七旬不雨

明史五行志

七年甲戌正月大雪五夜無燈

仁和县志

八年十一月二十六日海寧地震

浙江通志

十年浙江大饑父子兄弟夫婦相食

明史五行志下同

三月錢塘江木柿化爲魚有首尾未變者

十一年六月杭州大水

浙江通志

十二年浙江旱

明史五行志

五月三十日未時蝗從東南來幾蔽天形類蝻蟊有黃黑

二色然蝗雖多俱落曠不爲禾害

舊志

六月昌化縣大水壞民居田畝數十處溺死者近數千人

昌化縣志

八月初八日蝗大集至關外積二三寸

仁和縣志

十二月浙江霪雨阡陌成巨浸

明史五行志

十三年正月杭州大雨震電

浙江通志

二月壬子浙江省城門夜鳴

明史五行志下同

五月浙江大水

六月大疫

舊志下同

八月旱禾稻盡枯米石四金

大饑草根樹皮俱盡

臨安縣志

十四年六月杭州大旱

仁和縣志

天竺地生粉食之不饑民賴以活

錢塘縣志

蝗害稼

舊志下同

疫

歲大饑野有餓殍

於潛縣志

賴鼎臣妻金氏年百歲

舊志

十五年旱蝗

錢塘縣志

府同知馬耳房火延及府堂兩廊

仁和县志

秋大饑斗米五錢餓殍載路

昌化縣志

十一月長至大雷電

錢塘縣志

十二月海寧城東三里橋有魚孽偃于沙長二十餘丈高三丈狀若象人呼爲海象爭割之不盡流腐及秧田人有

取其骨歸者巨若梁棟

舊志下並同

十六年轉運使耳房火延及廳事

布政司廳事火

十七年來獻鵝獵人置一鳥人面鳥身四足二翼

錢塘縣志

國朝順治二年八月梅花大放柳生桃如栗

舊志

大學士黃機祖母蔡氏年百有四歲

浙江通志

三年南北山栗樹生桃寔

錢塘縣志

桑生蝸牛食葉及荳苗

舊志下並同

大潮

五年有羊三足缺後之左足有猪一首三耳八足兩尾生

而猶活雞生四足

六年春二月二十日海寧黑雨

六月地震生白毛

錢塘縣志

七年江水有光熒熒如明星

舊志下同

八年春三月馬蛟魚隨潮而至

五月水傷禾苗

昌化縣志

九年十月十五日大雷電

舊志下並同

十年八月初三日天無雲青龍見于西湖

十一年四月地震

十二年四月海寧潮溢至城下

十三年六月螟

九月二十九日海寧熙春門外獲虎

十四年秋七月富陽縣地震

富陽縣志

冬無雪十一月二十八日大雷電

舊志

十五年正月二日二十八日午後雨泥水

仁和縣志

十月朔海水溢于河

舊志

冬昌化縣竹生寔

昌化縣志

十八年顧端妻錢氏壽百有四歲

舊志下並同

馬有成妻丁氏壽百有一歲

嚴小郊妻高氏壽百有二歲

康熙元年三月二十一日大雨電

八月初三日颶風三日夜

舊海寧縣志

六年夏蝗不爲災

舊志下同

秋八月旱

十月大風雹

昌化縣志

七年三月艮山門外樹上有異鳥人頭鷹眼鳥身鵝足高三尺毛花白又集于東園民屋上羣鳥覺而噪之

舊志下同

六月十七日酉刻地大震生白毛

七月二十日地震

錢塘縣志

秋大水海寧潮溢

舊志

臨安縣生白毛長尺餘

臨安縣志

八年六月龍見于洛塘南大風拔木

舊志下同

八月蟲損穗

冬大雪平地三尺

昌化縣志

九年正月二十八日雪夜流星光燭地聲如雷

舊志下同

十二月二十四日立春大雪盈尺至明年四月六日雪始

消盡

十年五月二十四日大火

錢塘縣志

秋昌化縣蟲災

昌化縣志

十一年秋七月蝗不爲災

巡撫范承謨疏

閏七月水雨蟲

舊志下同

十二年正月六日富陽大雷電

秋九月大火自鹽橋東延十三里

冬十月霖雨至十一月中始獲稻

舊志

海寧何道選妻沈氏壽百歲

縣志

十三年杜榮德妻王氏壽百歲

舊志下並同

十八年大旱獲玳瑁于江

十九年四月江中岑石復見

二十年春富陽縣大雪夏大水

富陽縣志

五月十八日昌化縣大水

昌化縣志

二十二年春正月至四月久雨舊志

五月十一日昌化縣大水昌化縣志

五月旱至七月方雨錢塘縣志

富陽縣有秋富陽縣志

二十六年海寧陳雲生母林氏壽一百八歲縣志

二十九年二月杭城地震錢塘縣志下並同

三十二年正月旱至七月方雨

三十八年閏七月大雨南北兩山洪水驟發西湖水平高

丈餘

四十七年夏五月大水

七月狂風暴雨屋廬傾圮田禾悉被災奉

恩旨賑卹

邱抄

四十八年臨安縣水

臨安縣志

五月海嘯

錢塘縣志下同

五十四年夏初水災秋又旱

五十五年夏五月昌化縣大水

昌化縣志

六十年夏秋臨安旱

臨安縣志

雍正二年七月海潮溢塘堤盡決

舊海寧縣志

七月十八日仁和海寧大水

舊志

三年夏五月昌化縣大水

昌化縣志下同

四年八月昌化縣三都稻一莖兩穗

五年九月錢塘仁和農民獻瑞稻

浙江通志
下並同

七年九月五日錢塘縣民邵攀桂妻吳氏一產三男

八年五月十三日五色慶雲蔚起吳山頂上異彩繽紛祥

光照耀

八月初二日錢塘縣民楊天成妻嚴氏一產三男

九月櫻桃花開

昌化
縣志

九月十九日仁和縣民王九錫妻陳氏一產三男

浙江通
志下同

九年六月十八日昌化縣太平鄉獲麥之場白鹿自來

乾隆元年大有年

昌化縣志
下並同

二年雨豈

四年三月二十四日昌化縣地震

錢塘莫有春年百歲

縣志

五年臨安縣大水

臨安縣志

七年海寧汪聖基妻洪氏年百歲

縣志

八年八月二十四日昌化縣地震

昌化縣志下同

九年七月昌化縣大水

七夕富陽江水暴漲田禾被淹奉

恩旨蠲賑

富陽縣檔案

十一年仁和鄒元傑年百歲

仁和縣志

十六年富陽縣旱無禾奉

恩旨蠲賑

富陽縣
檔案

七月海寧富陽餘杭臨安昌化及杭州衛旱奉

恩旨賑恤

巡撫永
貴疏

八月仁和場灶地蟲災錢塘縣灶地旱奉

恩旨賑恤

邸抄

十七年七月山水驟至仁和海寧下田水淹奉

恩旨賑恤

杭州府
檔案

十九年錢塘應重華壽百有二歲

縣冊

二十一年秋上江洪水泛漲至富陽縣一尺有奇田禾盡

沒申請賑恤

富陽縣
檔案

錢塘陸某妻吳氏年百有五歲

縣冊

二十六年夏多雨七月十九日大風雨山水驟至仁和下

田被淹奉

恩旨賑恤

郎抄

仁和包某妻陳氏年百歲

縣冊

二十七年七月大風雨山水驟至仁和錢塘海寧餘杭及

杭州衛仁和場民屯田地灶被淹奉

恩旨賑恤

郎抄

海寧吳祥天妻沈氏壽百歲

縣冊

三十四年夏霖雨淹浸仁和錢塘杭州衛下田奉

恩旨蠲賑

郎抄

三十五年七月大風雨山水江湖並至仁和海寧低田被

淹奉

恩旨賑恤

杭州府檔案

三十九年錢塘葉正元妾胡氏年百歲

縣冊

四十年六月旱九月兼旬不雨

夢泉碑記

四十一年七月蝗生慶春門外不害稼

巡撫三寶捕蝗節畧云乾隆四十一年

年七月余以勘海寧老鹽倉塘工至仁和四堡見有蟲孽跳躍詢土人無知者令人撲取與北方蝗蝻無異因告以蝻子雖旱地所生有翅卽能飛赴水田亟令搜捕頃刻積數十觔攜至慶春門告司道及杭州府州縣並令親勘而仁

告且

和沿海新陞刈草沙地遍處皆蟲孽矣余告以捕蝗不力
定例甚嚴而捕蝗之法宜于五更露水未晞蝗蟲垂翅不
飛乃易于撲滅即于七月初九日五更率轅役標兵撲捕
並教以刨溝捕捉之法捐給飲食司道府縣亦多集民夫
約三千餘人令文武官分行搜捕并令居民能捕蝗者或
積筐籃或滿布袋按觔以給錢每日獲七八千觔至萬餘
觔將軍亦率駐防官兵協同搜捕至十三日而盡滅錢塘
沿江亦聞有蚰子並屬道府縣如法撲捕十四十五日甘
雨應時不惟蚰孽可泯其復生而新苗益滋長發不稼曾
無傷損是以未經入
稔知蝗蝻一母百子必須冬鵬大雪始不復發是年冬雪
積尺餘四十二年夏秋復令司道府縣搜訪而蝗蝻無遺
種矣北方向祀劉猛將軍能驅蟲孽南方祀典缺如攝藩
司徐君恕謂向日杭州之祀劉猛將軍者仁和之韋馱菴
下新廟五福新廟六甲廟五岳廟錢塘之西渡廟資福廟
王安寺良戶廟苟山廟共十所始請每歲春戊秋庚各于
司道庫存留開款內給銀六兩知縣
牲醴致祭用昭祈年報功之典云

杭州府志卷五十六終